


TRAICTE

L. 12853

D'ASSOCIATION,

FAICTE PAR MON-SEI-
GNEVR LE PRINCE DE CONDE
auec les Princes, Cheualiers de l'ordre, Sei-
gneurs, Capitaines, Gentils-hommes, &
autres de tous estats qui sont entrez ou
entreront ci-apres en la dicte Association,
pour maintenir l'honneur de Dieu, le re-
pos de ce Royaume, & l'estat & liberte du
R o y, sous le gouuernemēt de la Royne
sa mere.



P S E A V. CXXXIX

Seigneur, n'auray-ie point en hai-
ne tes hayneux, & ne debattray-ie
point avec ceux qui s'esleuent contre
toy?


M. D. L X I I

THE NEWBERRY
LIBRARY

Traicté d'asso-

CIA TION FAICTE

par Mon-seigneur le Prince de
Condé, avec les Princes, Cheua-
liers de l'ordre, Seigneurs, Capitai-
nes, Gentils-hommes, & autres de
tous estats qui sont entrez ou entre-
rôt ci-apres en ladicte Associatiō,
pour maintenir l'honneur de Dieu,
le repos de ce Royaume, & l'estat
& liberté du Roy, sous le gouver-
nement de la Royne sa mere.



Q V S soubsignez,
n'ayans rien en plus
grande recommanda-
tion, apres l'honneur
de D I E U, que le ser-
uice de nostre R O Y,
& la conseruation de
sa couronne, pendant
sa minorité, sous le gouvernemēt de la Roy-
ne sa mere establee & autorisée par les E-
stats: voyans l'audace, temerité & ambition
d'aucuns des subiects dudit Seigneur, mes-
prisans sa ieunesse, auoir esté si grande, qu'ils
ont bien osé non seulement s'assembler &
prendre

prendre les armes contre ses Edicts, pour auec icelles mettre à mort vn bon nombre de ses pources subiects, en n'espargnant ni aage ni sexe, sans aucune autre occasion, sinon qu'ils estoient assemblez pour prier & seruir Dieu, suyuant la permission des Edicts: mais aussi ne pouuans estre retenus par aucunes loix Diuines ou humaines, auec lesdictes armes se sont saisis de la personne du Roy, & de la Royne & de mon-seigneur d'Orleans. Et ne pouuans par telle & si temeraire entreprise autre chose coniecturer, sinon vne certaine deliberation de ruiner, sous l'autorité du Roy detenu & captif, auec la vraye Religion la plus grand' part de ceux de l'estat de Noblesse & du tiers Estat, & generalement tous ceux qui en font profession, qui sont des plus fideles & obeissans subiects du Roy: qui seroit vn vray moyen de mettre la courōne de FRANCE en proye.

Nous à ces causes desirans à nostre pouoir remettre sa Maieité & sa couronne en seureté, & la Roine en son autorité, & aussi conseruer les pources fideles de ce royaume en la liberté de conscience, qu'il a pleu au Roy leur permettre par ses Edicts, faicts par l'aduis des Princes du sâg, des Seigneurs du conseil du Roy, & des plus notables de toutes les cours des Parlemēs de ce Royaume assemblez, & par la deliberation de la plus part des Estats, laquelle doit demeurer

inuiolable , pendant la minorité dudit Seigneur : Auons esté comme bons & loyaux subiects forcez & cōtraincts de prendre les armes , qui est le moyen que Dieu nous a mis en main contre telle violence. Et dés maintenāt, apres auoir inuoqué le nom de Dieu, cōme bien aduisez & conseillez par bōne & meure deliberation, nous, auōs d'un commun accord & consentement libre & volontaire, promis & iuré par le nom de Dieu viuant vne Association & sainte compagnie mutuelle aux conditions suyuantés, que nous iurons & promettons deuant Dieu & ses Anges garder inuiolablement, & de poinct en poinct, cōme s'en suit, moyennant la grace & misericorde de Dieu nostre seule esperance.

P R E M I E R E M E N T, nous protestons que nous n'apportons en ceste sainte Alliance aucune passion particuliere, ny respect de nos personnēs, biens & hōneur: mais qu'entierement nous n'auons deuant les yeux que l'honneur de Dieu, la deliurance des Maiestez du Roy & de la Roine: la conseruation des Edicts & ordōnance faites par eux: & finalement la iuste punition & correction des contempteurs d'icelles. Et à ces fins & non autres, nous iurons & promettons chacun en son esgard d'employer corps & biens & tout ce qui nous sera possible iusques à la dernière goutte de nostre sang,

sang. Et durera ceste presente Associatiō & Alliance inuiolable iusqu'à la maiorité du Roy, c'est assauoir, iusques à ce que sa Maïesté estant en aage ait pris en personne le gouuernement de son Royaume, pour lors nous submettre à l'étiere obeissance & subiection de sa simple volonté : auquel temps nous esperons rendre si bon conte de ladicte Association, comme aussi nous ferons toutes & quantes fois qu'il plaira à la Roine elle estant en liberté, qu'on cognoistra que ce n'est point vne ligue ou monopole defendu, mais vne fidele & droicte obeissance pour l'vrgent seruice & conseruation de leurs Maïestez.

SE CONDEMENT, afin qu'un chacun entende ladicte presente Association estre faicte avec telle intention susdicte, & en toute pureté de conscience, & crainte du nom de Dieu, lequel nous prenons pour chef & protecteur d'icelle, nous entendons & iurons qu'en nostre cōpagnie nous ne souffrirons qu'il soit faict chose qui derogue aux commandemens de L'ieu, & du Roy, cōme idolatries & superstitions, blasphemés, paillardises, violences, rauissemens, pilleries, brisemens d'images, & saccagement de temples par autorité priuee: & en general autres telles choses defendues de Dieu, ou par l'Edict dernier de Ianuier: desquelles au contraire nous pourchasserons que punition & iustice soit faicte. Et pour

estre conduis sous l'obeissance de la parole de Dieu, nous entendōs auoir en nos compagnies de bons & fideles Ministres de la gloire de nostre Dieu, qui nous enseignerōt sa volonté, & auxquels nous presterons audience telle qu'il appartient.

TIERCEMENT, nous nommons pour chef & conducteur de toute la compagnie, mon Seigneur le Prince de Condé, Prince du sang, & partant conseiller nay, & l'un des protecteurs de la courōne de France: lequel nous iurons & promettons accompagner, & luy rendre toute prompte obeissance en ce qui concerne le faict de ceste presente Association, nous soumettrāns en cas de rebellion ou negligence à son chastiment & correction telle qu'il aduîsiera. Et cas aduenant que ledict Seigneur Prince par son indisposition, ou autrement ne peust executer ladicte charge, celui qui sera par luy nommé, sera obeï & suyui entierement comme sa propre personne. Et ledict Seigneur Prince monstrant le zele qu'il a à la gloire de Dieu & au seruice du Roy a accepté ce que dessus, promettant à toute la compagnie qu'en toute diligence & promptitude, moyennant l'aide de Dieu, il fera vray office de chef & conducteur, suyuant la teneur de toutes les conditions de la susdicte Association.

EN QUATRIEME LIEU, nous auons cōprins & associé en ce present traité

té d'alliance, toutes les personnes du cōseil du Roy, exceptez ceux qui portent armes contre leur deuoir, pour asseruir la volonté du Roy & de la Roïne. Lesquelles armes s'ils ne posent, & s'ils ne se retirent, & rendent raison de leur faict en toute suiection & obeissance quand il plaira à la Roïne les appeler, nous les tenons avec iuste occasion pour coupables de lese-Maieité & perturbateurs du repos public de ce Royaume.

Et pour paruenir à la fin & accomplissement de ceste dicte Association, que nous protestons derechef n'estre faicte que pour maintenir l'honneur de Dieu & le repos de ce Royaume, & l'estat & liberté du Roy sous le gouuernement de la Roïne sa mere, vn chacun de nous en son esgard depuis le plus petit iusques au plus grand, iurons & promettrōs deuant Dieu & ses Anges, nous tenir prests de tout ce qui sera en nostre pouuoir, comme d'argent, d'armes, cheuaux de seruice, & toutes autres choses requises, pour nous trouuer au premier mandement dudit Seigneur Prince, ou autre ayāt charge de luy, equippez pour l'accōpagner par tout où il luy plaira nous commander, & fidelement luy faire seruice pour les fins susdictes, & rédre tout debuoir de corps & de biens iusqu'au dernier soupir. Et cas aduenant qu'en quelque lieu ou endroiēt de ce Royaume entendiōs qu'aucun comprins en ceste presente Association recoiue outrage

ou violence par les dessusdicts ou autres cō-
tre l'Edict du Roy du mois de Ianuier der-
nier, nous iurons & promettons tous le se-
courir promptement & nous employer à ce
que tel tort soit réparé comme si le dōmage
estoit particulier à vn chacun de nous, & le
tout selon qu'il nous sera cōmādé par ledict
Seigneur Prince, ou autre ayāt charge de luy.

DAVANTAGE s'il aduient, ce que
Dieu ne vueille, qu'aucun de nous ayāt ou-
blié son deuoir & son serment, eust quelque
intelligence avec les ennemis, ou commis
acte de lascheré ou trahisō, en sorte ou ma-
niere quelconque, ou se monstrast rebelle à
ce que dessus, nous iurons & promettons
sur la part que nous pretendons auoir en
Paradis, le reueler incontinent audict Sei-
gneur Prince, ou autre qu'il appartiendra,
& le tenir & traicter cōme ennemi, traistre
& desloyal. Car ainsi a-il esté accordé d'un
franc & irreuocable consentement. Fait,
arresté & publié à Orleans, l'an de nostre
Seigneur, M. D. LXII. l'onzieme iour
d'Auul. Ainsi signé,

Loys de Bourbon, avec autres Princes,
Cheualiers del'ordre,
Seigneurs, Capitaines, Gentils-hommes, &
plusieurs autres de tous les estats, & de tou-
tes les contrees de ce Royaume en grand
nombre, comme il appert par le Registre es-
tant par deuets ledict Seigneur.

